



16. august 2024

UKA 2024/144

Inatsisartut ingerlatsinermut maleruagassaani § 33 tunngavigalugu isummerfigisassatut matumuuna siunnersuutigineqarpoq:

**Inuusuttut ilinniarfiini, inuussutissarsiutinut ilinniarfinni ilinniarfinnilu ingerlaqqiffiusuni ilinniartut karakterimik qaffassarnissaannut misilitseqqissinnaalersinniarlugit malittarisassiornissamut Naalackersuisut peqquneqarnissaannik Inatsisartut aalajangiiffigisassaattut siunnersuut.**  
(Inatsisartunut ilaasortaq Nivi Olsen, Demokraatit)

### **Tunngavilersuut**

Misilitsinneq amerlasuunut artornartarpoq. Karakterilunnerlu tamatigut piareersarluarsimanginnermik piginnaasakinnermilluunniit tamatigut peqquteqarneq ajorpoq. Karakterilunneq pissuteqarsinnaavoq aamma soorlu annilaanganermik ajutoornermilluunniit.

Ullumikkut malittarisassat imaapput, angusinnigittooraanni, misilitseqqinnissaq periarfissaalluni. Taamaapportaaq, napparsimaleraanni imaluunniit takkutinngittuuissimagaanni.

Akerlianilli misilitseqqittoqarsinnaanngilaq, angusisimagaanni pitsaanngitsunik karaktereqarluni. Tamanna allanngorterussuppara.

Isumaqarpunga, periarfissaqartariaqartoq misilitseqqinnissaq, karakteri naammagingikkaanni, ilinniartut periarfissineqarluni inaarutaasumik allagartap pitsanngorsarnissaanut nammineerlunilu qulakkeerneqassamat, sapinngisaq tamaat inaarutaasumik allagartartaarnissaq anguniarneqarsimasoq.

Ilinniarfeqarfii angusinnigittoortunut napparsimasimasunullu neqeroorutigisussaammassuk misilitseqqinnissaq, taamaaliorneq suliakkersuutaasinnaanngilaq ilinniartunut misilitseqqinnissamik neqerooruteqarnissaq, karakteriminnik pitsanngorsaannissamut kissaateqartunut.

Taamatut oqareerlunga qilanaaraara, Naalackersuisut partiillu allat siunnersuutinnut qanoq isumaqarnerat tusassallugu neriutugalugulu amerlanerussuteqartunit isumaqatigineqassasoq.

### **Pisortanut aningaasaqarnikkut allaffissornikkullu kingunerisassai**

Siunnersuummut atasumik allaffissornikkut aningaasartuuteqassaq, taakkuli naatsorsuutigineqanngillat allaffimmiup ukiup ataatsip ingerlanerani piffissap affaani akissarsiai 250.000 koruuninik nalillit. Taakku saniatigut aningaasatigut allaffissornikkullu kingunissaqarsinnaavoq ilinniarfeqarfinnut, naatsorsuutigineqarsinnaammat, amerlanerit misilitseqqissasut siunnersuutip malitsigisaatut. Taakku aningaasartuutit annertunnginnissaat naatsorsuutigineqassaaq naatsorsuutigineqassallunilu ukiumut



100.000 koruunit qaangissanngikkaat.

**Namminersorlutik inuussutissarsiuteqartunut aningaasatigut allaffissornikkullu kingunerisassai**  
Soqanngilaq

**Innuttaasunut aningaasatigut allaffissornikkullu kingunerisassai**  
Innuttaasunut misilitsinnerminni angusaminnik pitsanngorsaannisamik kissaateqartunut siunnersuutip  
malitsigissavaa, taamaaliornissaminnut periarfissaqalernerat.